

maoi gelolg ogtjle negem, tan maoi gelolg papitagan, tan maoi mgoeg oen-pgoantje. Na mset ogetelgōoagan tjoson, tan maoi emsegig molseo petagantjij ag maoi ogjloag ogpiten mali-Ginap Metesgoagan mitjoatjij ogtasositemel. Tjijtog mitjoatjij gisi nemiasen oegela ginapal tan teli emeg-oamogsilitj Tjijtog gisi napoigos gisna tan mitjoatjijg alsomatel ogtjijtagamitjel mōgoa oen ehnog angaman.

Tan totjio mitjijtagamitjoigtog eig, Nisgam mōgoa gisi angamago. Gitjino Mali egtjigelapasoalatek. Ola Ginap menag gigtjasigol tan totjio ogsitgamog eimliliteg. Aptjio nilatjeges, metj mo patategeogsep, netna na Gsagmamino oetji mgonasanel ogoitjel. Taatagatitjis mitjoatjijg egtjijitj ginapal mtesgoagan setjgoelitj, ag telimtj gil me oelmeton tjel mo egtig, gisna me getjitegen tjei mo gengigog ag sgolisgo, netna na ogtjit mo getlamsetemotog. Angtelmatis Nisgam Mitjoatjijtel Nasaletg tlel. Eiges eoli oentjigoōmtjijg. Getlamsetoasen Oetjel, sapeoliltjel Sosepal ag oigoitjel Malial 'Getlamsoatoaseni' olsetemaganil oigatigen teloes.

Negem, Nisgam oasōg ag magami-geo, eiges ogsetgamog istege tan maoi eoletjit mimatjoino ogsitgamog ag getlamsetg tan gōgoei gisitōgsep. Oetjiliasis ogneiatioan mitjoatjijg tan teli matenateg ginapal Mtesgoaganel Na tan totjio ginap metesgoagan oetjioetj, mitjoatjijg meselmatitj Sesosal Nasaletg tlel ag sapeolilt Ogoitjel. Mo gisi engotel matenotigol ginapal. Oesami metgigenal, tōgo teli menaganatijg. Tan totjio Tapit, eijigelegeteg Gōliatal Gisolgol apōgōnemasepel.

Oasōg neogt eigenesag maoi gelositag ansaleoitag. Me gesases tjel mo nagoset, gisna gelogōoetjg gisna tan pa sig gōgoei ogsitgamogoei. Nisgam ogtelegeoagim mōgoa oen eimogsep teli geloslogsep istege negem. Gigtjio epis Genisgaminal eplitj me espeges tjel mo egtigig ansaleoitjg. Losipel teloisit 'teli gjoansgapogoang' notjij epgislog oaseteg. Ola ansaleoit aptjio oeltasis Mset oen oeltasit oasōg. Mōgoa oenmatjitasimeg. Mōgoa npoaganinog ag mōgoa tepgigenog. Mōgoa peoataslog nagoset gisna tepgonset, metj tetli pagtasit. Eiegeogagi ois-olsolioeoei ag pemsagasagegel oetlog-oatasigel maoi mgōtigel gontal. Neogtetjegeg nagoeg Ginap Metesgoagan tan plogoateo natel. Alt ansaleoitjg tjij-alatitjel oetjgoeliltjel. Gato Lasipel teli melgigenas, mōgoa geltōgsep tan gōgoel tjijpasoagan, na ginap eiapegilt og-

oltjaga telimasenol, 'O me gato ntaoagategen, getel, etog tetpigiōg Gtjinisgam. Gōgoei ta oetji getlamsetat-Gato mo pa tetpigiōltigol Gtjinisgamel, mota negemel gisipeel, tlia teli gsas-ot gtjiansaleoit. Mota Ginap Metesgoagan motjatjit ogtegosoen. Mōgoa tali elhetemog teliagaoei. Losipei oelitetges oetjigsetoan ag ogetlamsetoan tan teloeiltj. Mōgoa oetjotemogsep omatenan Ginapal, mōgoa telmaogsepen: 'Tan tesig gōgoei gegonem mset Nisgam ignemoip, miamotj tōg getlamsetag ag gesi moloalg.' Gato tan teli tjigsetoatj ogoanalamon saseoaseg ag teloeit: 'Ma nogo piami getlamsetoag Nisgam. Tli espetes istege negem, logōoalas egtigig ansaleoitjg ngetlamsetoaino. Tan teli ngasog teloeitg na Nisgam teogetel oasōg ag mento-agig eieimattjel iaptjio imlital oggtioigtog ag onnatjōigtog. Netna na negem Ginap Metesgoagan Losipelal tan maoi gesases tjel mo egtigig gesasetjig ansaleoitjg Nisgam ogtelegeoagim, saseoalos omentoin.

Mitjoatjijteeltig getjijtogo tan Ataal ag Epal Nisgam igalasenil tan maoi gelolg igatagang. Oatjoagsep oasoe-gel ag gelital ag tan gōgoei maoi gelolg ola ogsitgamog. Oisig tan eigesmig mōgoa oagasolhigosenig, oetjioita-senig ag elitasenig Ataal ogoatg, oig-omgoititeg. Ata ag Ep maoi oltasis-enig. Gtjinisgamel ignemagoitisenel mset gōgoei. Pa sig mosgatoaseni meogtetjg gn notj igataganigtog ag telimasenil mot malgōtemeneo ola gelt-foa tan oetjioeg. Ginap Metesgoagan giml les igataganigtog ag oltjaga telimasenil Epal: tjijtog malgōtemenimnitjgel, tliglitesg istege Negem. Ep aoantasis tan Gtjinisgamel ignemasenel. Gisoig gisiasen negemal ag ignem-oas tan tesig gōgoei olgoitjalogoto. Getlanisetoasen Ginapal Metesgoagan tan teloeiltj, na malgōtg ag gisalattjel oetjijimemel ongti malgōtemenin. Oetji ogoalgsep Gisol ag esasenil igataganigtog. Na gesi telategetitg onmatjitasoagan, gesinogōoagan ag npoagan igagsep ogsitgamog. Oest-olg mo npoogsepen, ogtjit gino, maoen gisi ileoisōg oasōg. Ogtetjioeoi gigeno oitjetititōg losipel mentoagig.

Tan totjio mitjoatjijg geltitotj ginapal oetjgoeliltjel gigtjio, alasotmatitjis Nisgamel Mitjoatjijtel ag sapeoliltjel egtjijnal. Tamatis melgignōti ogisioisolgenemaneo. Mota ma oen n-ogtogoalotj gisi matnagou, tlia log ogi gō.

Tan oinetjgel oesgōtg asiteloeitjel tanel nestolmtjel.